

G E N E S I S.

7 A nis ma'ta thoir air a h-ais ^a do'n duine a bhean, oir *is* faidh e, agus ni e ùrnuigh air do shon, agus bithidh tu beo : ach mur d'thoir thu air a h-ais i, biodh fios agad gu'm faigh thu bàs gu cinnteach, thu féin agus gach uile a's leat.

8 Uime sin dh'éirich Abimelech moch 'fa' mhadainn, agus ghairm e a sheirbhifich uile, agus dh'aithris ^b e na nithe sin uile 'nan éisdeachd ; agus bha eagal mòr air na daoine ^c.

9 'An sin ghairm Abimelech air Abraham, agus thubhairt e ris, Ciod *so* a rinn thu oirn ? agus ciod an eucoir ^d a rinn mis' ort, gu'n d'thug thu ormfa, agus air mo rìoghachd peacadh mòr ? rinn thu gnìomharan ormfa, nach bu choir a dheanamh.

10 Agus thubhairt Abimelech re h-Abraham, Ciod a chunnaic thu, gu'n d'rinn thu an ni so ?

11 Agus thubhairt Abraham, A chionn gu'n d'thubhairt mi ^e *annam féin*, Gu cinnteach cha 'n'eil eagal an Tighearna 'san ionad so ; agus marbhaidh iad mi air son mo mhnà.

12 Agus gidheadh 's gu deimhin mo phiuthar i, nighean m'athar i, ach cha'n i nighean mo mhàthar : agus bha i agam mar mhnàoi.

13 Agus 'nuair a thug Dia orm dol air m'aineol ^f o thigh m'athar, 'an sin thubhairt mi ria ^g, 'Se so do chaoimhneas a nochdas tu dhomhsa ; Anns gach

àite d'an d'thig ^h sinn, abair mu m' thimchioll, 'Se mo bhràthair e.

14 Agus ghabh Abimelech caoraich, agus buar ⁱ, agus òglaich agus ban-òglaich ^k, agus thug e *iad* a dh'Abraham, agus thug e air a h-ais dha Sarah a bhean.

15 Agus thubhairt Abimelech, Feuch, tha m'fhearann fa d' chomhair : gabh còmhnuidh far an taitneach leat.

16 Agus re Sarah thubhairt e, Feuch, thug mi mìle *bom* airgid do d' bhràthair : feuch, *tha* e dhuitfe ^l 'na chòmhdachadh fùl do gach uile a *ta* maille riut, agus maille ris gach uile : mar so fhuair i achinhan ^m.

17 Agus rinn Abraham ùrnuigh re Dia ; agus leighis Dia Abimelech, agus a bhean, agus a bhan-òglaich, agus rug iad *clann*.

18 Oir dhruid ⁿ an Tighearna fuas gach bolg ann an teaghlach Abimelech, air son Sharaih mnà Abraham.

C A I B. XXI.

AGUS dh'amhairc an Tighearna air Sarah ^o mar a thubhairt e ; agus rinn an Tighearna do Sharaih mar a labhair e.

2 Oir dh'fhàs Sarah torrach, agus rug i mac do Abraham 'na shean aois, 'san àm shuidhichte mu'n do labhair Dia ris.

3 Agus thug Abraham Isaac mar

^a aifig. ^b dh'innis. ^c dh'oilltich na daoine. ^d a' choire, an cron.
^e gu'n do smuainich, gu'n do shaoil mi. ^f air choigrich. ^g rithe. ^h d'an
 tig. ⁱ crodh, daimh. ^k seirbhifich, agus ban-seirbhifich. ^l bithidh so dhuit-